

Inatsisartut suleriaasianni § 37, imm. 1 naapertorlugu, matumuuna Naalakkersuisunut imaattunik apeqquteqarpunga:

Naalakkersuisunut apeqqutit:

1. Naalakkersuisut nassuiaateqarsinnaappat qanoq ilinikkut Nuummi Sisimiunilu eqqavinnik ikuallaaviit nutaat marluk sineriammi inoqarfinni eqqagassalerinikkut ajornartorsiutinik aaqqiiniarnissaat naatsorsuutigineqarpa. Sumiiffinni assigiinngitsuni eqqaavinni immikkoortitsiviusumi ungasinnerusumilu ikuallattoqarnerani naleqqutinngitsumillu ingerlanneqartartunut atatillugu?
2. Naalakkersuisut imaluunniit Esani A/S qanoq ittunik aalajangersimasunik suliniuteqartoqarnerisq aningaasaliisoqarnerisulorlu pilersaaruteqarpat, eqqaaviit Nuummi Sisimiunilu ikuallaaviit nutaaliaasunut nassiunneqartarnissaat qulakkeerniarlugu – iilaatigut assartuinnermi aaqqissuussinerit, umiatsianik nassiussinnermi periarfissat kiisalu immikkoortiteriviit pillugit?
3. Naalakkersuisut isumaqarpat Esani A/S aningaasanik amerlanerusunik atorniarsinnaalernissaa ajornakusoortoq, qanoq akilissanerlugit suliffeqarfiullu aningaasai siunissami isumannaatsumik inissisimatinniarlugit pilersaaruteqanngippata?
4. Naalakkersuisut qanoq qulakkiisavaat innuttaasut, pingaartumik immikkoortortani avinngarusimasuni, eqqagassaqaqarnermut ingerlatsinnermi aningaasartuutikinnerpaamik akileraartarnissaat qulakkeerneqassanersq, taarsigassarsiat annertunerulernerisa aamma qitiusumik ingerlatsiviit ingerlanneqarnerisa kingunerisaanik?
5. Naalakkersuisut qulakkeerniarpaat Inatsisartuni ilaasortat peqataatinneqarnissaat Esani A/S-imut akiliisinnaassuseqarnermut piumasaqaat immikkut akuersissuteqarnerup iluani piumasaqaatinik aalajangersaanermi, soorlu aningaasaqarnikkut aaqqiinikkut, ersarissaanikkut aammalu nalunaaruteqartarnikkut?
6. Naalakkersuisut qanoq ilillutik qulakkiisavaat illoqarfiit/inoqarfiit Esani-mut ilaasortaangitsut sullinneqarnissaat eqqaaviillu isumagineqarnissaat pillugu periarfissinneqarnissaat? Esani A/S aningaasat 50.mio.kr. namminersorlutik oqartussanit pisimavai aammalu ilaasortat kommunit aningaasaliiffigalugit. Maannalu 500 mio.kr. -inik taarsigassarsivoq. Kommunit namminneq eqqagassaminnik aqutsiniartut arlaanik periarfissinneqassappat imaluunniit unitsinneqassappat, tassani eqqakkat annertuumik ajornartorsiutaalereerput.

7. Naalakkersuisut uppersarsinnaavaat Stockholmimi isumaqatigiissutip unioqqutinneqarnerani kinguneqartitsisoqartannginnera, pissutigalugu tassunga nakkutilliisoqanngimmat?
8. Naalakkersuisut uppersarsinnaavaat Avannaata Kommunia ikualaavinnik Stockholmimi isumaqatigiissummut naapertuutinngitsunik pilersitsisinnaasoq, nakkutilliisoqarsimanngimmat unioqqutitsinermilu kinguneqartitsisoqanngimmat?

(Inatsisartunut ilaasortaq Jens NapātôK', Naleraq)

Tunngavilersuutit:

Oqaatigineqarpoq ikualaaviit tamakkiisumik nuatsinnut iluaqutaasasut, taamaattorli ersarinngilaq qanoq ililluni eqqaaviit sineriammi inoqarfinni ingerlateqqinneqarnissaat aaqqiivigineqassanersoq, aammalu ingerlaqatigiiffiit aaqqissuusaanerat ilumut pissusissamisoortumik aaqqissuuneqarsimanersoq qularutigineqarluni. Taamaattumik Naalakkersuisut Kommunit Esani A/S-mut ilaasortaanngitsut qanoq sullinneqarnissaannik pilsaaruteqarnersut isumaqarnersullu kiisalu kommunit ilaasortaanngitsut pineqaatissinneqassanersut tusassallugit pingaaruteqarpoq.

Inatsisitigut pisussaaffimmik tunniussisoqarpat, taava tamanna tamat oqartussaaqataaneranut aqutsisoqarnikkut suliarineqartariaqarpoq, ingammik pisortat aningaasaataasa siunissamilu eqqakkanut akitsuutit pineqartillugit, Naalakkersuisut tamanna qulakkiissavaat inatsisiliornikkut allanngineq Inatsisartuni saqqummiunneqassasoq taamatullu kommunit ilaasortaanngitsut inatsisitigut periarfissinneqassasut eqqaaviit pillugit akisussaaffimmik nammineerlutik tigusinissamut?

Apeqqutigineqartut ullut suliffiusut qulit (10) iluanni allakkatigut akineqareersimanissaat piumasarineqarpoq. Oqaatsinik nutserisimanermi paatsuungasoqassatillugu kalaallisut allassimasoq aallaavigineqassaaq.